

## **CENTAR ZA LJUDSKA PRAVA U MOSTARU HUMAN RIGHTS CENTER IN MOSTAR**



### **PRAVNA KLINIKA „PRAVDA ZA DJECU“ (Obavještenje i poziv zainteresovanim studentima)**

Pravna klinika „Pravda za djecu“ (Kliničko obrazovanje pravnika za studente Pravnog fakulteta Sveučilišta u Mostaru) biti će implementirana u periodu od 10.12.2018. do 31.12.2018. godine u Mostaru, u okviru projekta „Pravda za svako dijete“ koji provodi UNICEF u saradnji sa Švedskom agencijom za razvoj (Sida), Švicarskom vladom i nadležnim resornim ministarstvima i institucijama na državnom, entitetskom i kantonalnom nivou, te Biroom za ljudska prava Tuzla, Centrom za istraživanje politike suprotstavljanja kriminalitetu (CPRC) i Centrom za ljudska prava u Mostaru, nevladinim organizacijama koje pružaju stručnu i tehničku podršku u implementaciji aktivnosti, čiji fokus je pristup pravdi za djecu, prava, interesi i zaštita djece i mladih, razvijanje i primjena alternativnih mjera pri postupanju sa djecom u kontaktu sa zakonom, kao i prevencija maloljetničkog prijestupništva.

Tijekom nastavnog procesa Pravne klinike odabrani studenti 3. i 4. godine preddiplomskog studija i 1. Godine diplomskog studija Pravnog fakulteta Sveučilišta u Mostaru, dobiti će priliku da izgrade svoje stručne i profesionalne kapacitete, unaprijede uže specijalizirana teorijsko-pravna i praktično-pravna znanja i vještine u oblasti pravne zaštite prava i interesa djece i mladih u različitim pravnim oblastima i raznim pravnim postupcima, sa naglaskom na dječja prava, restorativnu pravdu, maloljetničko pravosuđe i pružanje besplatne pravne pomoći, i to kroz:

1. uže specijaliziranu teorijsko-pravnu i praktično-pravnu edukaciju, analizu pozitivno-pravnih rješenja i konkretnih slučajeva, rješavanje hipotetičkih pravnih slučajeva,
2. stručne razgovore sa profesorima prava i pravnicima praktičarima o najčešćim i najvažnijim problemima u području pristupa pravdi za djecu – pružanju (besplatne) pravne pomoći, pravde za djecu, kao i mogućnostima iznalaženja izvodljivih prijedloga za poboljšanje stanja u ovoj oblasti.

O mogućnosti obavljanja praktično-pravne obuke kod pružatelja besplatne pravne pomoći studenti – polaznici Pravne klinike „Pravda za djecu“ biti će blagovremeno obavješteni.

Ukupan predviđeni broj polaznika Pravne klinike je 10-20. Nastavni proces Pravne klinike održavati će se na Pravnom fakultetu Sveučilišta u Mostaru. Detaljan plan i program Pravne klinike, sa imenima predavača/edukatora (profesori prava i pravnici praktičari), temama, terminima i mjestom održavanja predavanja/radionica, odabranim polaznicima Pravne klinike biti će blagovremeno dostavljen. Nakon uspješno završenog pohađanja Pravne klinike polaznicima će biti dodjeljeni certifikati.

Pozivaju se zainteresirani studenti da prijavu za pohađanje Pravne klinike, sa sljedećim podacima: ime i prezime, godina studija, fakultet, broj telefona i e-mail adresa, dostave (**Ivani Stipanović**) putem e-maila: [ivana.stipanovic@pf.sum.ba](mailto:ivana.stipanovic@pf.sum.ba) najkasnije do 10.12.2018. godine.

4.12.2018.